

橋川子龜光十五

系口致贈

清故學部左丞柯君墓誌銘
清故朝議大夫湖南知縣汪君墓誌銘

張爾田

史學年報單行本

清故學部左丞柯君墓誌銘

張爾田

大儒柯君旣歿。越明年。卜以某月某日。將葬於某原。孤子昌泗旣告期。且以狀來請銘。君素知余文者。愼不可辭。按狀。君諱劬恣。字鳳孫。先世籍台州。國初有諱某者。避翁洲難。始遷於萊之膠州。遂家焉。曾祖某。某官。祖某。某官。父某。某官。三世皆以君貴。贈如其階。妣李大夫人。賢明嫺詩禮。生子二。君其次也。君幼漸母氏訓。七歲能韻語。父老。驚爲奇童。乃益自憤發。勵於學。鄒魯聖人之邦。號樸學藪。比壯。盡得其書而讀之。於天文。曆算。輿地。聲韻。訓故。靡不綜貫。其學由博而精。蘄於有用。然一以經爲歸。無歧鶩也。舉同治庚午鄉試。光緒丙戌。成進士。歷官翰林院撰文侍講。日講起居注官。一提督湖南學政。授貴州提學使。調學部丞。參上行。走補右參議。遷左丞。遷爲資政院議員。兼典禮院學士。君旣以文學當官。敷政之暇。研誦不廢。國朝儒者。諸經皆有說。獨穀梁無完書。君以爲公羊闡微言。穀梁章大義。穀梁魯學也。治之宜先。宋氏三科與邵公異。此穀梁家所特聞。不先通此。非常異義。可怪之。其罪至於誣聖。成穀梁補箋若干卷。春秋之誼大明。君之謂丞參也。兩江督臣以魏默深元史上於朝。書下學部察看。朝廷有知君者。故有是命。時君治元史有年矣。諸史惟元最疏。亦惟元號難治。洪文卿氏取拉施特書成證補。與君同時屠敬山氏。亦撰蒙兀兒史記。皆未竟厥緒。魏氏書先成。雖躋不足以示遠。君乃下帷覃思。因是創述。徵外籍。攷大典。博采佚存舊聞。釐三家而有之。成新元史二百五十七卷。復理董洪氏稿。修輯未畢者。爲譯史補。而史識之見於考異者。又若干卷。其書



3 1761 5097 1

 MG
 K877.45
 1

別行論者謂却特史更兩朝五百年得君而告大備方君書之出也一時翕然海外日本尤重君書以博士贈焉博士者彼國學位至高不輕授君外人乃得之人以爲君榮然非君之尙也遜位詔下君痛哭解組去會史館開館長趙公與有舊聘君總纂君自願儒臣國亡無所自蓋修故國之史即以恩故國其職也在館日成天文時憲志縱橫推步數萬言疇人爲之歛手又以其閒訂閱紀傳趙公薨君遂總其事史稿卒賴以成始余與君同在館論史事相得歡甚別八年復見君於京邸君年八十有二雖篤老猶能健談相與歎息世變日亟齷禍之不可免其言絕悲又二年而君卒實歲癸酉蓋自君之卒海內老師宿儒亦盡矣君於文師梅郎中疏朴古澹尤工於詩奄有漁洋竹垞之長晚年所刻蓼園集是也他所著尙有文選補注文獻通考注爾雅補注諸書配吳淑人桐城古文大家吳擘甫先生之女相夫能莊鬻子能勤實與君諧君始得以畢志於著述子三昌泗昌濟昌汾昌泗亦以文學克世其家銘曰

粵有大儒爲世楷模文喪義鬼拯之坦塗陸壑大遷節巾從好天之抗之俾昌厥道百世獻宗貞我瓌辭卜云墨食永宅於茲

蓼園生平喜梅伯言文然伯言好參理論實非古法此文簡約處取之劉原父而不喪其貌或復勝之銘似照甫孟劬自記

清故朝議大夫湖南知縣汪君墓誌銘

張爾田

君汪氏。諱兆鏞。字伯序。號懷吾。其先出唐越國公。元末自婺源遷山陰。明正德中有諱應軫者。著青湖文集。是爲君十二世祖。曾祖炊。敕封文林郎。祖雲。舉人。遂昌縣訓導。父瓊。自君之父幕游於粵。始著籍爲番禺人。君十歲能詩。弱冠補縣學生。光緒十一年以優行貢成均。朝考用知縣。又越四年舉於鄉。再應禮部試不售。遂南歸。爲人佐治。所主於赤溪。於遂溪。於順德。皆有聲。旣而撫粵者聞君名。聘掌奏。得四品銜。當以知縣分發湖南矣。而君不樂仕。國變後。遂一切棄去。葺小樓澳門島居之。有浼以事者。謝弗應也。嘗蒙福字之頒。顏所居曰賜福。已復返故鄉。一游越謁先隴。浪跡羅浮山中。自稱覺道士。最後避亂復歸於澳。年已耄矣。耳目聰明。著書不輟。所著晉會要碑傳集數百卷。所輯刻之書又數十種。其曰元粵東遺民錄者。則以自寓也。君雖阨窮。一時縞紵皆聞人。有詩書以娛暮齒。於君不可謂不樂。而君願欲然若有所不自得者。余嘗論之。自古滄海之際。攀龍翥螭。其人豈必沈冥而不返哉。亦特如恨以寄焉而已。夫惟知其有所寄。斯爲真知君者也。君少及陳蘭甫先生之門。治經治史。一以師說爲歸。晚年猶舉以淑人。嘗痛時事之日非。慨然曰。治國以禮教爲本。禮教亡矣。何以國爲。又曰。孔孟論治曰信曰和。民不信。人不和。而徒襲外人。禍其在蕭牆內乎。不三十年。而君之言大驗。余初不識君。讀君之詩與詞。歎曰。此遺民也。君得余文亦大喜。自是通書往還。數年如一日。未歿前猶致余書。論學術異同。其言溫然而沈悲。余衰病徂北久。忽忽意有所樂。方思一陟粵

麓之巔。泛扶胥之口。相與話二十年積憤。徜徉吟眺於鷺濤落日間。庶幾有以慰君。且以自慰者。而君則既卒矣。君生於咸豐辛酉。其卒也以己卯七月。年七十有九。配陳恭人。先君卒。側室三。其二皆曰陳。曰梁。子祖澤。宗洙。宗澧。宗準。宗藻。陳恭人出。宗衍。陳孺人出。女三。長殤。次適張樹蘭。三適鍾祐慶。孫男十五人。曾孫一人。君卒之某月。君之子葬君於廣州三寶墟赬岡之原。陳恭人祔。於是番禺張提刑學華爲君狀千餘言。而余乃爲之銘曰。

猗歟汪君。不仕而隱。著書滿家。名與古並。遭世艱屯。葆厥貞素。孔思周情。是茹是吐。蔥龍越秀。實維佳城。我銘載之。百世其興。

無限感愴而以淡語出之按之事跡不溢黍此法出歸熙甫而神則近吏濼矣孟劬自記

78

11 = 31 ✓